



Ү. Т. Көшкімбаева  
Ә. С. Ақтымбаева



# ТУРИЗМ

ИНФРАҚҰРЫЛЫМЫ

Оқу құралы



ӘОЖ 911.388  
К 72

*Баспаға әл-Фараби атындағы Қазақ ұлттық университеті  
география және табиғатты пайдалану факультетінің  
Ғылыми кеңесі және  
Редакциялық-баспа кеңесі шешімімен ұсынылған*

**Пікір жазғандар:**

география ғылымдарының кандидаты, доцент **А.С. Бейсембинова**  
география ғылымдарының кандидаты, доцент **Б.І. Ақтымбаева**  
география ғылымдарының кандидаты, доцент **А.Е. Молдағалиева**

**Көшкімбаева Ү.Т., Ақтымбаева Ә.С.**

К 72 Туризм инфрақұрылымы: оқу құралы. – Алматы: Қазақ университеті, 2012. – 208 б.

ISBN 978-601-247-419-0

Берілген оқу құралы туризм мамандығында оқитын студенттерге арналған. Оқу құралы 050902 «Туризм» мамандығы жоспарындағы «Туризм инфрақұрылымы» пәнінің бағдарламасына сай құрастырылған. Оқу құралында берілген семинарлық және практикалық жұмыстардың тапсырмалары студенттердің өздік жұмыстарын жасауға көмектеседі.

Оқу құралы университеттер мен институттардың география және экономика факультеттеріндегі студенттерге, туризм саласында қызмет ететін мамандарға арналған.

ӘОЖ 911.388

ISBN 978-601-247-419-0

© Көшкімбаева Ү.Т., Ақтымбаева Ә.С., 2012  
© Әл-Фараби атындағы ҚазҰУ, 2012

## АЛҒЫ СӨЗ

Туризм саласы экономиканы дамыту көздерінің бірі болып саналады. Қазақстан Республикасында туризмді дамыту үшін барлық қажетті мәдени, тарихи, географиялық және климаттық жағдайлар жеткілікті. Сонымен қатар бұл өз кезегінде транспорттық, инфрақұрылымдық, денсаулық сақтау, сауда орындары қызметтерін жетілдіруді қажет етеді. Осыған байланысты Қазақстан Республикасының үкіметі ұзақ мерзімді бағдарламасын қабылдады. 1993 жылы егемен Қазақстан Дүниежүзілік туристік ұйымына мүше болып, туризмді дамытудың алғашқы бағдарламасын жасаған болатын. Ал 1997-2003 жылдар аралығында Ұлы Жібек жолындағы тарихи орталықтарды қайта жанарту, түркі тілдес мемлекеттердің мәдени мұраларын сақтау және туристік инфрақұрылымдарды құру туралы мемлекеттік бағдарлама бекітілді.

Қазақстан – 2030 стратегиялық даму бағдарламасында да бұл саланың аса зор маңызы бар екені атап көрсетілген. Тиімді және бәсекеге қабілетті туристік бизнесті және осы мақсатқа сәйкес имиджді орнықтыру мақсатындағы 2003-2005 жылдарға арналған жоспарланған жоба табысты жүзеге асырылды.

Туризм Индустрия және сауда министрлігіндегі сауда және туризм комитетінің карауында. Қазіргі уақытта Комитет Ішкі істер министрлігі, Ұлттық Қауіпсіздік Комитеті және Сыртқы істер министрлігімен бірлесіп, елімізге келуге қызығушылық танытатын адамдар үшін визалық процедураларды жеңілдету жоспарын әзірлеуде.